

Bordeleko Akademiak uko egiten dio Seaskako kolegio berria irekitzeari

Federazioaren ustez, Errektoreak ez du kontutan hartu nahi ikastolen garapena

Ikasleen kopurua handitzen dela eta, Seaskak eskatu dio Errektoreari kostaldeko lehen mailako ikasleek ikastolan segitzeko ahala ukan dezaten. Akademiak uko egiten dio kolegio berria irekitzeari. Gobernuaren borondate politikoaren eskasa salatu du Seaskak.

Lutxi Fourcade / Baiona

1998-1999ko ikasturtea prestatzen ari da Seaska, Ipar Euskal Herriko ikastolen federazioa. Ohiturari jarraikiz, lanpostu berriak sortzea eskatu dio administrazioari eta lehen mailako ikasleen gorakadari buru egiteko, kolegio berria irekitzea funtsezkotzat jo du. Izan ere, ikasleen kopurua handituz doa eta 1998ko irailan, 120 bat ikasle sartuko dira lehen mailan. Hala ere, Kanboko kolegioa hertsiegi izanzen da. «300 ikaslelik gora daude Xalbador Ikastegian eta kolegio berria irekitzea premiazkoa izanzen da», azaldu zuen Marijo Anetas, Seaskako lehen-dakariak. Bestalde, ikasleen gehiengoa kostaldetik heldu dela eta, kolegio berria irekitzea kostaldean ezinbestekoa izanzen da Seaskaren iritziz.

Ikasleen kopuruak kontutan hartuz, Seaskak eskatu dio Errektoreari bi gelen irekitzea Baionan, kostaldeko lehen mailako ikasleek ikastolan beren ikasketak segitzeko ahala ukan dezaten. «Eskakizuna erantzunik gabe geratu da eta badirudi Errektoreak ikasketak ikastolan jarraitzeko eskubidea ukatzen



Seaskako ordezkariak atzoko agerraldian

BOB EDME

dietela kostaldeko 120 ikasle», gehitu zuen Anetasek. Orohar, Seaskak eskatu zituen 145 irakasle ordu eskaintzea bi gela irekitzeko, «eta gutaz trufatzen dira 15 bat oren baizik eskainiz».

Altabada, administrazioak ele ederrak entzun arazi zituela azken hilabeteotan oroitu zuen Anetasek. Euskal Herria 2010 erakundeak burutu lanak erakutsi zuen euskal hizkuntza hil zorian zela Ipar Euskal Herrian. Euskarazko irakaskuntza gartzea bi elebidun ereduaren lehen-tasuntzat finkatu zuen, bai erdizka irakasten den sarean, bai ikastoletan. Gobernuak ere antzeko xedea azaldu zuen

1997ko abenduaren 15eko CIADTko bileraren ondotik: «Inspekzio Akademikoak behar diren laguntzak ukanen ditu gizartearen eskaerei behar den erantzun egokia Estadoak ezarritik».

Deiadar manifestaldian parte hartzeko deia@n10:l@n8: «Hitz hutsak dira eta Errektorearen jarrera publikoki salatzen dugu», azpimarratu zuen Estebe Eiherabide, Seaskako zuzendariak. Bere iritziz, Akademiako zerbitzuek ez dituzte kontsideratu nahi ikastolen galderak. Are gehiago, «ikastolaren hautatzeko xedea lehen mailari mugatua da». Izan ere, kolegio berria irekitzea ukatzeaz gain, lizeoari ere ukatuak izan zaizkiola Seaskak galdinakin zituen erakaskuntz ahal berriak. Gobernuaren jarrera argitzeko beharra azpimarratu zuen Eiherabide eta lehen argitasunak izanzen dituzte dudarik gabe apirilaren 3an. Hain zuzen ere, Seaskak prentsaurrekoa ematen zuen bitartean atzo goizean, Errektoreak deitu zuen federazioko egoitz nagusira hitzordu bat finkatzeko. Elkartzea iraganen da datorren ostira-lean Bordelen, aratsaldeko 14.30tan. Biharamunean, berri, Deiadar kolektiboak antolatutako euskararen aldeko manifestaldia izanzen da Baionako karriketan barna. X

Deiadar osatzen duten 12 elkarteek izenpetze eguna antolatu dute gaur

Amikuzeko

kolektiboak

elkarretaratzea bat

eginen du bihar

goizean Donapaleun

Lutxi Fourcade / Baiona

DEIADAR kanpaina kari, kolektiboa osatzen duten 12 elkarteek izenpetze eguna antolatuko dute gaur. Joan den martxoaren 7an bezala, mahaiak jarriko dituzte Ipar Euskal Herriko hainbat merkatu, plaza edo toki publikoetan. Lehen ekimena arrakastatsua izan zen eta 5.000 bat lagun euskararen ofizializazioaren alde agertu ziren. Euskarari atxikiak diren herritar guztiak petizioa izenpetzera gomitatu ditu Deiadar kolektiboak, baita Baionan apirilaren 4an iraganen den elkarretaratzean parte hartze- ra ere.

Bestalde, Amikuzeko Deiadar kolektiboa ere apirilaren 4eko manifestaldia prestatzen ari da. Bilkura bat izanzen da goiz honetan Donapaleuko Frantxixkanoen etxean eta eskualdeko euskaltzale guztiak gomit dira. Bihar goizean, berri, Amikuzeko kolektiboak hitzordu bat finkatu du goizeko 11.00tan merkatu estaliaren pareko Thiers karrikaren erdian. Kanpainaren eskakizuna karrikara plazaratzeko, Deiadar kanpaina-ko partaide guztiek gomituak dira mutxikoen eta beste ainitz dantza jauzien emaitera oren pare batez. X

Euskal Eskola Publiko Berriaren III. Jaia eginen dute gaur Iruñean

Erredakzioa / Iruñea

NAFARROAKO Euskal Eskola Publiko Berriaren III. Jaia eginen dute gaur Iruñean, Sortzenek antolatutak. Goizeko 10:30etan kontzentrazioa eginen dute Gaztelu plazan. Horren ostean, eguraldia ona bada, jaia Takonera parkean eginen dute. Euria ari badu, berri, Iturruma auzoko ikas- tetxe publikoko pilotalekuan eginen dute ospakizuna. Toki batean edo eta bestean, goizeko 11:00etatik eta arratsaldeko 14:30ak arte hainbat ekitaldi izanzen dira gozagai. Inur- rategi anaiek rokodromoa jarriko dute, Unai Garbisu Naziorteko Maisuak aldi bereko xake partidak jokatu-ko dituzte: jolasak, plati- ka, herri kirolak eta margoa. Halaber, izanzen dira dantza- riak, fanfarrea, erraldoiak, kilikiak, gaitariak, txalaparta eta zantantzara. Eguerdian bazkaria izanzen da. X

Helduen euskalduntzearen kurrikulum berria sakondu dute euskaltegietako irakasleek

Aurrikuspenak hautsiz 200 bat irakasle izan ziren UEU eta HABEk elkarlanean antolatutako saioan

Gorane Agirre / Bilbo

DATORREN urtean, 1999-2000. ikasturtearen barruan, EAEn indarrean jarriko den helduen alfabetatze euskalduntze alorreko ikasketa kurrikulum berria sakon jorratu zuten euskaltegie- tako 200en bat irakasleek UEUk eta HABEk, elkarlanean, atzo Bilbon egin zuten jardunaldian.

Ikastaroan helduen oinarriko kurrikulum-proiektuaren ildo nagusiak eta ibilbidea aztertu zuten.

Tito Serrano UEUKo Glotodi- daktika alorreko arduradunak adierazi zuenez, «geneuzkan pre- bisioak guztiz gainditu egin dira. Hasiera batetik 150 pertsonen- tzako zegoen prestatua baina erantzuna harrigarria izan da eta aretoa bete-betea dago».

Euskalduntze prozesua lau mailatan banatzen duen kurri- kulum berriaren sakontzean euskaltegi sare guztietako ira- kasle zein didaktikariak hartu zuten parte, baita euskaltegietan



Atzo Bilbon egin zen ikastaroaren une bat

XOUSE SIMAL

egon ez baina gaian interesatua dagoen jendea ere. UEUKo Glotodidaktika ardura- dunak «oso interesgarritzat» jo

zuten atzoko saioa. Bere hitzetan, «euskalduntzearen kurrikulum berria etorri etorriko zaigu. Batzu jantziagoak daude saio taldeetan ari direlako, baina gainontzeko- entzat ikastaroa oso inportantea da kurrikulum berria sozializatu eta sakontzeko balio izan baitu».

Kurrikulum berria sakontzeko sei saio-euskaltegien ekarpene- tan oinarritu ziren. Izan ere, eus- kaltegi bakoitzak hilabete batzuetako esperientziaren ikus- pegi bat jorratu zuten; esaterako, metodologiaren inguruko berri- kuntzak, kurrikuluma eta eba- luazioa, saio-taldetik saio-eus- kaltegiara...

Horretaz gain, arratsaldeko emanaldian euskaltegi sare guz- tietako ordezkariak saio-taldeak izan barik kurrikulumaren ingu- ruan duten ikuspegia eta esan- beharrekoak mahaigaineratu zituzten. X